

共同經課 - 1 約書亞記二十四章一節~三 a 節, 十四節~二十五節

1 約書亞聚集以色列眾支派到 tī 示劍, 召以色列 e 長老, kap in ê 族長、審判官, 以及官長來; in 就 khiā tī 上帝 e 面前。2 約書亞 kā 眾百姓講: 耶和華以色列 e 上帝 án-ni 講: 在早 lín ê 列祖, 就是亞伯拉罕 e 老父, Ná-hók ê 老父, Tha-láh, tiàm tī 大河 hit-pêng, 服事別 e 上帝。3 我取 lín ê 祖亞伯拉罕 tùi 大河 hit-pêng chhoā 伊遍行迦南全地。14 Ta<sup>n</sup> lín tiòh 敬畏耶和華, 誠心實意服事伊, 將 lín 列祖 tī 大河 hit-pêng kap tī 埃及所服事 e 上帝除去, 來服事耶和華。15 Nā 是 lín 掠服事耶和華做 m̄好, 今 á 日 lín tiòh 揀 lín 所 beh 服事 e; 看是 lín 列祖 tī 大河 hit-pêng 所服事 hiah-ê 上帝, á 是 lín 所 khiā 起 in ê 地, A-mô-lī 人, hiah-ê 上帝 ah。論到我 kap 我 e 家, 阮決斷 beh 服事耶和華。16 百姓應講, 阮決斷無意思 beh 棄 sak 耶和華去服事別 e 上帝。17 因為耶和華阮 e 上帝 bat chhoā 阮 kap 阮 e 列祖 tùi 埃及地做奴才 e 家出來, tī 阮 e 目矚前行 hiah-ê 大 e 神蹟, tī 阮所行一切 e 路, 所經過 e tak 國, lóng 有保護阮。18 耶和華也 tī 阮 e 面前趕出 lóng 總 e 百姓, 趕出 khiā 起 chit-ê 所在 e A-mô-lī 人; 所以阮也 beh 服事耶和華, 因為祂是阮 e 上帝。19 約書亞對百姓講: Lín boē 會服事耶和華, 因為伊是聖 e 上帝, 決斷無容允用別 e 上帝匹配伊, 無 beh 赦免 lín ê 過失, lín ê 罪惡。20 Lín 若離開耶和華去服事外邦 e 上帝, 耶和華 tī 降福氣 hō lín 了後, beh oát-tng 來降災厄 hō lín, 滅無 lín。21 百姓 in 約書亞講: 無 lah; 阮定 tiòh beh 服事耶和華。22 約書亞對百姓講: Lín 揀耶和華 beh 服事伊, lín 家己做 lín ê 干證。In 應講, 好, 阮做干證。23 約書亞講: Lín ta<sup>n</sup> tiòh 除去 lín 中間所有外邦 e 上帝, hō lín 專心歸向耶和華以色列 e 上帝。24 百姓 in 約書亞講: 阮 beh 服事耶和華阮 e 上帝, 聽 thàn 伊 e 話。25 Hit 日約書亞就 kap 百姓立約, tī 示劍 kā in 設立律例法度。

共同經課 - 2 詩篇七十八篇一節~七節

1 A-sat 教示 ê 詩。1) 我 ê 百姓 ah, lín tiòh 聽我 ê 教示, À<sup>n</sup> 耳孔聽我 ê 嘴 ê 話。2 我 beh 開嘴設譬喻, 我 beh 講出古早隱密 ê 話, 3 就是阮所聽見, 所知 ê; 亦是阮 ê 祖公傳 hō 阮 ê。4 阮無 beh 將 chiah-ê 事對 in ê kiá<sup>n</sup> 孫隱瞞; Beh 將耶和華 ê 名聲 kap 伊 ê 權能, 以及伊所行奇妙 ê 事, 傳 hō 後世代。5 因為伊 tī 雅各立干證 ê 話, tī 以色列設律法; 是伊命令咱 ê 祖公 ê, thang 傳 hō in ê kiá<sup>n</sup> 孫。6 Hō 後代, 就是得 beh 出世 ê kiá<sup>n</sup> 孫知; In 亦 beh 起來傳 hō in ê kiá<sup>n</sup> 孫; 7 Hō in ê òng 望在 tī 上帝, 無 boē 記得全能 ê 所做, 是 beh 遵守伊 ê 誠命。

共同經課 - 3 帖撒羅尼迦前書四章十三節~十八節

13 兄弟 ah, 論到 teh 睏 ê 人, 阮 m̄ ài lín m̄知, 免得 lín 憂悶親像 hiah-ê 無 òng 望 ê 人一樣。14 因為咱若信耶穌有死有 koh 活, 就屬耶穌來睏 ê 人, 上帝也 beh án-ni chhoā in kap 耶穌 sa<sup>n</sup>-kap 來。15 因為阮奉主 ê 命令, 用 chit-ê kā lín 講, 就是主 koh 來 ê 時, 咱 chiah-ê iáu 活 teh ê 人, boē 會事先 hiah-ê teh 睏 ê 人。16 因為主 beh 本身 tùi 天落來, 有大喉叫, 有至大天使 ê 聲, 也有上帝 ê 哨角, 就 hiah-ê 屬基督已經死 ê 人 beh 事先起來。17 後來咱 iáu 活 teh ê 人 beh kap in 受接納 tī 雲內, 入空中迎接主; án-ni 咱就永遠 kap 主 sa<sup>n</sup>-kap tī-teh。18 所以 tiòh 用 chiah-ê 話相安慰。

共同經課 - 4 馬太福音二十五章一節~十三節

1 Hit 時天國 beh 比並十個在室女, kiáh in ê 燈, 出去迎接新 kiá<sup>n</sup> 婿。2 其中五個慧 ê, 五個知識 ê。3 慧 ê kiáh in ê 燈, 無另外帶油。4 獨獨知識 ê kiáh in ê 燈另外帶油 tī in ê 器具內。5 新 kiá<sup>n</sup> 婿 iân-chhiân, 就 lóng tuh-ka-chê teh 睏。6 半暝, 有大聲叫講, 新 kiá<sup>n</sup> 婿來 lah; lín 出來 chih 伊。7 Hit 時 chiah-ê 在室女 lóng 起來, 修整 in ê 燈。8 慧 ê kā 知識 ê 講, 請將 lín ê 油 pun 阮, 因為阮 ê 燈 beh hoa lah。9 知識 ê 應講, 驚了 lín 阮 lóng 無夠; khah 好去 tùi 賣 ê 人家己買。10 去買 ê 時, 新 kiá<sup>n</sup> 婿到, hiah-ê 便 ê kap 伊入婚姻 ê 筵桌; 門就關。11 然後其餘 ê 在室女亦來, 講, 主 ah, 主 ah, kā 阮開。12 若是伊應講, 我實在 kā lín 講, 我 m̄-bat lín。13 所以 tiòh tiu<sup>n</sup>-tī, 因為 lín m̄知 hit-ê 日, hit-ê 時。